

## Hringbrautarverkefnið – staða framkvæmda

- Nýr Landspítali semur við Eykt um uppsteypu á nýju þjóðarsjúkrahúsi
- Fimm vilja hanna og byggja bílastæða- og tæknihús Nýja Landspítalans
- Samningur fyrir húseininingar á vinnubúðareit
- Samningur vegna jarðvinnu á vinnubúðareit
- Framkvæmdir við bílastæði á lóð Landspítala við Kringlu
- Framkvæmdir sunnan og vestan við Eirberg
- Frágangur norðan við Eirberg
- Frágangur sunnan við geðdeildarbyggingu Landspítala

# Nýr Landspítali semur við Eykt um uppsteypu á nýju þjóðarsjúkrahúsi



Framkvæmdir hefjast fljótlega við uppsteypu í grunni við nýjan meðferðarkjarna

Útboð á uppsteypu á nýjum meðferðarkjarna var haldið í framhaldi af niðurstöðu forvals, þar sem fimm þátttakendum var gefin þátttökuhheimild í útboðinu. Eftir yfirferð á tilboðsgögnum tilkynnti NLSH bjóðendum um val á bjóðanda, í samvinnu við Ríkiskaup. Ákveðið var að tilboð Eyktar hf. yrði valið og gengið yrði til samninga við fyrirtækið, í samræmi við lög um opinber innkaup nr. 120/2016.

Tilboð Eyktar er 8,68 milljarðar kr, um 82% af kostnaðaráætlun sem er 10,5 milljarðar kr. án vsk.

Nýr meðferðarkjarni verður um 70.000 fermetrar að stærð og áætlað er að uppsteypan hefjist í nóvember og að framkvæmdatími verksins verði um þrjú ár.

*„Þetta er einn af stærri áföngum í Hringbrautarverkefninu og unnið hefur verið að undirbúningi þessa skrefs um langan tíma, í framhaldi af hönnun verksins. Fjölmargir hafa komið að rýni og umsagnargerð, þakkar til allra þeirra en ekkert síður þeirra sem tóku þátt í forvalinu og útboðinu og sköpuðu samkeppnisgrundvöll um verkið. Fram undan er vissulega mikilvægt uppsteypuverkefni, en það eru einnig fjölmargir aðrir verkþættir handan við hornið s.s. útbod á jarðvinnu rannsóknahússins og alútboð eftir forval á bílastæða- og tæknihúsinu. Fjárlagafrumvarpið boðar aukinn kraft í Hringbrautarverkefnid og er ég ekki í vafa um að Alþingi mun styðja verkefnið áfram af fullum þunga“ segir Gunnar Svavarsson, framkvæmdastjóri NLSH ohf.*

# Fimm vilja hanna og byggja bílastæða- og tæknihús Nýja Landspítalans



Opnað var fyrir umsóknir í forvali um þátttökurétt í lokuðu alútboði á fullnaðarhönnun og byggingu bílastæða- og tæknihúss, þann 6. október sl. Bílastæðahluti hússins er um 16.900 m<sup>2</sup> eða 540 -570 bílastæði. Tæknirými m.a. vegna varaafskerfa er um 2.300 m<sup>2</sup> og geymslur 500 m<sup>2</sup>. Nýr Landspítali ohf. stefnir að útboði hússins innan nokkura mánaða og að jarðvinna geti hafist á árinu 2021. Fimm hópar skiluðu inn umsóknum vegna forvalsins, en þeir eru:

- **Ístak með Arkþing Nordic og Eflu.**
- **ÍAV með Batterínu og Verkís.**
- **Eykt með Tark og VSÓ.**
- **ÞG verktakar með Arkís, Mannvit.**
- **Rizzani de Eccher með Þingvang, Urban arkitektum, Wim de Bruijn, Brekke & Strand, Verkfræðistofu Reykjavíkur og Örugg verkfræðistofu.**

Forvalsnefnd Nýs Landspítala ohf. mun skila niðurstöðum 21. október um hæfis- og hæfnismat, en heimilt er skv. forvalsgögnum að heimila allt að fimm þátttakendum boð í útboðinu. Þeir umsækjendur forvals sem er boðin þátttaka í alútboðinu munu skila í framhaldi af því inn tillögum og tilboði í hönnun og byggingu bílastæða- og tæknihússins í samræmi við útboðsgögn. Niðurstöður forvals gilda í sex mánuði.

## Samningur undirritaður fyrir húseininger á vinnubúðareit



Frá samningsundirskrift, Ásbjörn Jónsson sviðsstjóri framkvæmdasviðs NLSH, Gunnar Svavarsson framkvæmdastjóri NLSH og frá Terra einingum Gunnar Bragason forstjóri og Ingi Arason rekstrarstjóri.

Undirritaður hefur verið samningur á milli NLSH og Terra ehf vegna gámahúsa á vinnubúðareit á lóð Landspítalans við Hringbraut.

Terra mun útvega gámaeininger, reisa og ganga frá að fullu á vinnusvæðinu. Um er að ræða mótneytis- og fataaðstöðu ásamt tengigangi þar á milli. Einnig mun Terra útvega gámaeininger fyrir móttökuhús, tvö vakthús og reykingahús.

## Samningur vegna jarðvinnu á vinnubúðareit



Frá samningsundirskrift, Ásbjörn Jónsson sviðsstjóri framkvæmdasviðs NLSH, Gunnar Svavarsson framkvæmdastjóri NLSH, Kristmundur Einarsson frá Snókur verktökum og Ólafur M. Birgisson staðarverkfræðingur NLSH.

NLSH ohf. og Snókur verktakar ehf. hafa gert samning vegna jarð- og lagnavinnu á vinnubúðareit á lóð Landspítalans við Hringbraut.

Samningurinn felur í sér að leggja veitukerfi, fylla í, jafna og malbika undir vinnubúðasvæðið, setja upp girðingar, aðgangshlið og fleira.

Stefnt er að verklokum í byrjun nóvember.

Snókur hefur komið að framkvæmdum við grunn við nýjan meðferðarkjarna þar sem mikið magn af jarðvegi var flutt frá grunni meðferðarkjarnans í landfyllingu við Laugarnestanga.

## Framkvæmdir við bílastæði á lóð Landspítala við Kringlu



Eftir er að setja handrið, helluleggja og ganga frá lóð við Landspítala við Kringlu

Frágangur vestan við Gamla Landspítala hefur gengið hægar en væntingar gerðu ráð fyrir og er að hluta rakið til tafa vegna vinnu verktaka við smíðavinnu á handriði. Vonir standa til að það muni komast skriður á þennan frágang upp úr miðjum október.

Verklok eru áætluð í lok október.

(Sjá nr. 1 á korti)


## Framkvæmdir sunnan og vestan við Eirberg



Unnið er við að setja upp gróðurvarnargirðingu sunnan við Eirberg



Hellulögn vestan við Eirberg er langt komin



Búið er að helluleggja þverun við götu 5 sunnan við geðdeild Landspítala

Eftir er að klára hellulögn vestan við Eirberg og einnig er eftir er að ganga frá handriðum og tröppum. Meðal annars er unnið þessa daga við að setja upp gróðurvarnargirðingu sunnan við Eirberg.

Áætlað er að þessum framkvæmdum ljúki í lok október.  
**(Sjá nr. 2 á korti)**

## Frágangur norðan við Eirberg

Framkvæmdum er lokið norðan við Eirberg.  
**(Sjá nr. 3 á korti)**

# Frágangur sunnan við geðdeildarbyggingu Landspítala



Framkvæmdum við geðdeildarhús Landspítala er að mestu lokið

Búið er að ganga frá að mestu á svæðinu sunnan við geðdeild Landspítala. Ólokið er við frágang í trjábeði og einnig á eftir að ganga frá tengingu við tvo ljósastaura.

Áætlað er að þessum framkvæmdum ljúki í október.  
**(Sjá nr. 4 á korti)**

## Skýringarmynd

Yfirlitsmynd af svæðinu sem sýnir framkvæmdasvæði nýs Landspítala og gönguleiðir



## Nánari upplýsingar.

Allar upplýsingar um framkvæmdina verða birtar á upplýsingasíðum NLSH, Landspítala og Háskóla Íslands og annarra hagsmunaaðila eftir því sem verða vill. Einnig mun upplýsingum verða reglulega komið á framfæri í fjölmölum ef miklar breytingar verða á umferðarfyrirkomulagi.

Nánari tæknilegar- og verkframkvæmdaupplýsingar veita:

Ásbjörn Jónsson verkefnastjóri NLSH, 841 7050 eða netfangið [asbjorn@nlsh.is](mailto:asbjorn@nlsh.is)

Aðrar almennar upplýsingar veitir Magnús Heimisson samskiptastjóri NLSH, 866 1378 eða [magnus@nlsh.is](mailto:magnus@nlsh.is)

Sértækar upplýsingar veitir af hálfu Landspítala Stefán Hrafn Hagalín 897 3644 [stefanh@landspitali.is](mailto:stefanh@landspitali.is) og frá Háskóla Íslands Björn Gíslason 896 0876 [bgisla@hi.is](mailto:bgisla@hi.is)



[nlsh.is](http://nlsh.is)

NLSH ohf. / Skúlagata 21, 101 Reykjavík / Aðalnúmer 551 6010 / kt. 500810-0410 / [postur@nlsh.is](mailto:postur@nlsh.is)

---

Höfundaréttur © NLSH ohf.

**Póstfang:**

[postur@nlsh.is](mailto:postur@nlsh.is)

Viltu breyta viðtöku á fjöldapóstinum?

Hér má breyta skilyrðum [update your preferences](#) eða afskrá [unsubscribe from this list](#).

---